

Marfilius firing de Religionis
 Richard pater de fenta dactine
 palephus Guu fubula
 Enas Selung de rita phtomary
 Dithra Cypax Cypax vefim
 Epia Clamke pax A. ad Carle & yr
 vahim de Rofu de Carle. s.
 Epia philyp Calmarthi
 alia Epia vluji

1365 Martii 12. Vniuersitatis Vniuers.
 iohann.

Inc. Gu. 2^{ae} 85-6
 Bibl. Jag.



2785-2786

Jnc.


Proc. Gu. 2785-6

Bibl. Jag.

Therap

5457





DISTICHA CAESARVM RO
MANORVM A IVLIO DICTA,
TORE VSQVE AD NO,
STRAM MEMORIAM,
GASPARE VRSINO
VELIO, REGIO
HISTORICO
AVTHO,
RE.

ISTITUTUM CAESARVM R.O.
MANORVM A VILLO DICTA
TORVM VROVE AD NO
STRAM MEMORIAM
GASPARVM VRSINO
VILLO REGIO
HISTORICO



ILLVSTRI AC MAGNIFICO VIRO DO/
mino ANTONIO de Mendossa apud Inclytū ac
potentiss. Vngariæ & Bohemiæ Regē FER/
DINANDVM, Cæsareo Oratori &c.
Gaspar Vrsinus Velius.

MONOSTICHA Cæsarum aliena, ac mea Ponti/
ficum cū edere statuissem, Illustris ac Magnifice An/
toni, clarissimæ familiæ de Mendossa columnen & or/
namentū singulare, duabus de causis, tametsi tibi de/
stinata erant alteri dedicaui: Primū, quod de ære meo
sine uersura tibi aliqua ex parte satisfecisse malebam
uideri. Dein, q̃ Pontifices maxime cōueniebat opti/
mo ac lectissimō Pontifici dedicare. Quapropter mu/
tato consilio, Ampliss. uiro, ac Principi BERNAR/
DO a Gles Episcopo Tridētino (quam rem sat scio
non improbabis) librum illum inscripsi: cuius uiri
& tu, cum hic ageres Cæsareum Oratorem, mirari so/
lebas morum uitæq; sanctitatem, ac animi celsitudi/
nem, cæterasq; illius uirtutes eximias & pēculiāres.
Iam uero ut de meo, quemadmodum recepi tibi, non/
nulla ratione satisfaciam: Vir Excellentissime, disti/
cha Cæsarum mea, iam pridem Inclyto ac clementiss.
Regi FERDINANDO complacita, iussuq; eius,
a n

& hortatu eruditorum hominum, præcipue IOAN/
NIS Fabri grauiſſimi doctiſs. q̃ uiri, typis excuſa, ad
te iſti tuo ſplendidiffimo nomini dedicata trãſmitto:
exiſtimans hoc modo partem aliquam crediti perſol/
ui poſſe, neq̃ enim integræ ſummæ ſoluẽdæ unq̃ ero.
Quod ſi tibi, tuiq̃ ſimilibus hæc, qualiacunq̃ proba/
ta fuerint, tum oro, ut naçtus ocium, dextro tempore
diuo CAROLO Cæſari inſpiciẽda non grauate ex/
hibeas: ac pro tuo candore, munuſculum, quale qua/
le eſt, uerbis decenter ornare uelis, & ſacroſancto
illius numini ſtudioſe commendare: quod

equidem ingentis in parte beneficij
ponam, atq̃ hac ratione mai/
gnum operæpretium me
feciſſe exiſtima/
bo. Bene ua/
le, Viennæ
XX. Octo
bris.

Anno M. D. XXVIII.

DIVO ET INVICTO CAESA/
ri Imp. CAROLO V. per/
petuo Augusto. Caspar
Vrsinus Velius.

MAXime terrarum Princeps, cui summa potestas
Humanum placida pace tenere genus.
Quo cum regna Deus partitus, ut imperat astris
Ille, regenda tibi sic sola cuncta dedit.
Iamq; tibi ignotus terrarum panditur orbis
Extra anni uetitas Oceaniq; uias.
Romanus positis praeses cui iungitur armis,
Agnoscatq; Ducem nunc tua Roma suum.
Victa iacet capti furiosa potentia Galli
Et piget Adriacos arma, ciere patres.
His tua non ultra tardantibus inclyta ccepta.
Sacrilegus poenas quas tibi Turca dabit?
Macte pio in superos animo, qui solis ad ortum
Solis ab occasu nunc tua regna uides.
Et dubitamus adhuc cui sceptrum reliquerit orbis?
Quemq; uelit terris imperitare Deus?

a in

139
ALIVD DE LIBRO.

Casareos paruo procères Auguste libello
Romanae dominos urbis & orbis habes,
Omnes a primo generosæ stirpis lulo
Ordine, ad usq; tui nobile tempus aui.
Hic & uirtutem, aut uitium cuiusq; notatum
Et qua quisq; obijt conditione leges.
Ac ne longa creet fastidia lectio, totum
Singula perficiunt disticha semper opus.

DISTICHA CAESARVM.

C. Iulius Cæsar Dictator.

Quod prius Imperium asseruit, mox occupat idem
Iulius, hinc Bruto percutiente cadit.

Octavianus Cæs. Augustus

Augustus Ianum clausit post bella quietus,
Inde alui perijt lubricitate senex.

Claud. Tibēr. Nero.

Principio frugi Nero Claudius, inde fit atrox
Sæuitia, at prauī fraude nepotis obit.

C. Cæsar Caligula

Degenèrem, ac scelere inuisum mortalibus omni
Chærea Caligulam Cæsius ense necat.

Claudius Cæsar.

Dirus, & ignauus regnauit Claudius, illum
Abdita boleto toxica fæua necant.

Domitius Nero.

Qui matrem ferro, Romam qui pēdidit igni
Impius ipse suo se ferit ense Nero.

Sergius Galba.

Sæuus, auarus erat semestri tempore Galba,
Sons Otho quem Curtij sustulit ante lacum.

M. Syllus Otho.

Quattuor impleuit menses Otho, cum male fortis
Transadigit ferro pectora sponte sua.

A. Vitellius.

Ingluue infamis, tractusq; Vitellius unco
Ludibrium populi cæsus & iste fuit.

Fla. Vespasianus.

Excisis Solymis agit cum laude triumphum:
Stans pedibus Cæsar Vespasianus obit.

D. Titus Vespa.

Inuidere Titum tantis uirtutibus orbi
Fata æui iuuenem, quem rapuere breuis.

Domitianus,

Degener, ac nulla uirtute insignis, amici
Te merito occidunt Domitiane tui.

Coccius

Cocceius Nerua.

Nerua marēs uētuit castrarier, utilis urbi:
Qui senior morbo debilitatus obit.

Vlpīus Traianus
Cornis hic in ciues Traianus, at hostibus asper,
Optimus internis qui perit æger aquis.

Aelius Adrianus
Pacis amans, uarius, peragratōq; Aelius orbe,
Pene sibi ægrotans intulit ipse manum.

Antoninus Pius
Nemine non uno Pius Antonine uocaris
Parq; Numæ, nullo crimine notus obis.

M. Antoninus Philosophus
Stoicus Imperij fratrem facit Antoninus
Participem, dira peste necatus obit.

L. Verus Anto.
Imperij consors, sed fratri moribus impar
Verus erat, qui ictu sanguinis occubuit.

Commodus Antoninus.

Commodus incestu gladiator, & obrutus omni
Flagitio, huic laqueo strinxit Athleta gulam.

P. Aelius pertinax.

Optimus hic fuerat, si non a milite cæsus
Aelius ob sordes esset auariciæ.

Didius Iulianus Mediolanensis.

Didius inuisus castris, inuisior urbi
Septimio fascēs arripiente cadit.

Septimius Seuerus.

Sæuus erat, felix belliq; domiq; Seuerus,
Qui senior podagris excruciatu obit.

Antoninus Caracalla.

Germanum Caracalla necat, coniunxq; nouercæ
Macrini insidijs cæsus & ipse perit.

Opilius Macrinus cū filio Diadumeno.

Arripit Imperium cum nato deinde Macrinus
Ictus & a Varii milite uterq; cadit.

Varius Heliogabalus.

Infamis luxu, Variusq; libidine tetra
De forica extractus mergitur in Tyberi.

Alexander Seuerus.

Regnat Alexander iustus cum matrè Seuerus
Hunc miles iuuenem barbarus ense ferit.

Maximini duo pater & fil.

Thrax furit hinc nato cum principe Maximinus,
Sed famis impatiens miles utrumq; necat.

Gordiani duo pater & f.

Clara fuit gemino gens Gordia principe, natus
Occidit hostili uulnere, fune pater.

Pupienus qui & Maximus cum Balbino.
Maxime Balbino collega, iubente senatu
Imperitas: ferro miles utrumq; necat.

Gordianus iunior.

Deicit Persas, sed non superare Philippos
Hic potuit, quorum fraude peremptus obit.

Philippi duo

Vrbis agunt ludos post sæcula mille Philippi
Veronæ genitor, natus in urbe cadit.

Decij duo

Pro patria Decij dum prælia fortia miscet
Filius occubuit marte, palude pater.

Gallus hostilianus cū filio Volusiano.
Gallus habet nato cum principe sceptrā biennis
Desertum occidit miles utrumq; suus.

Aemilianus.

Maurus & Imperij rapit Aemilianus honores
Hic ad spoleti mœnia cæsus obit.

Licinius Valerianus.

Colla Sapor Licini rex Persa senilia pressit
Perpetuo hunc seruum barbæ victor habes.

Galienus

Perditus & luxu, & uita Galienus inertis
Fraude apud Insubres occidit Aureoli.

Claudius

Claudius insigni memorandus clade Gothorum
Quem rapit ante annos inuida parca duos.

Quintilius

Sponte sua uenis, a milite lectus, apertis
Quintilius modico tempore Caesar obit.

Aurelianus.

Aureliane Gothos caedis, superasq; Tyrannos,
Sauus eras, serui hinc caesus es arte mali.

Tacitus

Accipit Imperium Tacitus praebente senatu
At cito castrensi seditione cadit,

Florianus

Delatum fratri Imperium ui hic arripit, & mox
Elicito e uenis sanguine sponte perit.

Probus

Totum Romanis subiecit legibus orbem
Qui cadit irati militis ense Probus.

Carus.

Sarmaticum Illyricis eiecit finibus hostem
Carus, apud Persas fulmine tactus obit.

Numerianus.

Dum patris interitum, propèrataq; funera defles
Ense cadis soceri Numeriane tui.

Carinus.

Degener, & luxu Carinus adobrutus omni,
Mox successoris tollitur ingenio.

Diocletianus.

Cum socio regnans, quem progenuerè Salonæ
Sponte sua Imperium ponit, obitq; senex.

Maximianus.

Dum struis insidias genero socer, illico captus
Dederis a genero Maximiane neci.

Constantius Chlorus.

Constanti placida populos in pace gubernans
Egregia in Gallis, prole beatus obis.

Galerius Maximinus.

Adscitis regni socijs truculente Galerius
Vim tibi post uitæ tædia longa facis.

Seuerus.

Italia tenuit placide dum sceptræ Seuerus
Maxenti inmeritum factio præcipitat.

Maxentius.

Tybridis obruitur Maxentius impius amni,
Quemq; alij struxit corrui ipse dolo.

Maximianus iunior

Expertus ueri uim numinis impie, tetrīs
Vermibus exesus Maximiane peris.

Licinius

Dacus, & asper eras Licini, soceroq; rebellis
Occidis hinc merito coniugis arte tuæ.

DISTICHA CAESARVM A DE/
clinatione Imperij.

Constantinus magnus

Huic magni imposuit pietas, & dextera nomen
Occidit in Persas aspera bella mouens.

Dalmatius

Dalmatium Imperij quarta bene parte locatum
Constanti immerito factio dira necat.

Constantinus iunior

Iunior hic sumptis plusq̃ ciuilibus armis
Iure quidem a fratris milite cæsus obit.

Constans

Fratre dein cæso Constanti Gallia cessit
Atq; hic Magnenti concidit insidijs.

Magnentius

Imperium infidus Magnentius occupat,ultrix
Huic furia in propriam suggerit arma necem.

Constantius

Oppressit geminos Constantius iste tyrannos
Dum redit a Parthis febre peremptus obit.

Iulianus

Strenuus hic, frugiq; fuit, uerum impius idem
Pugnantem egregie Parthica tela necant.

Iuventa

Iulianus.

Impèrii finès Persis mutarè coactu s,
Calcis odore nouæ Iulianæ peris.

Valentinianus.

Adsciuit fratrem, natumq; Valentinianus
Augustos: ictu sanguinis occubuit.

Valens.

Saucius, ac Gothico superatus Marte crematur
Immisso tuguri cratibus igne Valens.

Gratianus.

Fudit Alemannos tribuit cui gratia nomèn
Perfidia cecidit Maxime deinde tua.

Valentinianus iunior.

Règnantem occiduo fratrem malefidus in orbe
Strangulat, obstricto gutture fune comes.

Theodosius magnus.

Deletis toto Theodosius orbe tyrannis
Optimus, ac gemina prole beatus obit.

Arcadius.

Archadius cæso Ruffino regnat Eois
Augustum & natum fecit, & occubuit.

Honorius.

Ipsè tricénales quos uouit Honorius egit,
Ciuita sedauit bella, sed orbus obit.

Theodosius iunior.

Iunior egregie retinens orientis habenas
Infertur tumulo mortuus inde patris.

Valentia. III.

Non Atilæ uictorem impune Valentinianus
Sustulit Octylæ militis ense perit.

Martianus.

Imperij reparat pacis studiosus honores,
Attamen insidijs Asparis iste cadit.

Leo.

Surrogat hic festa gaudens Leo pace nepotem
Primus & e Græco sanguine Cæsar obit.

10

Zeno.

Augustus Zeno nati pietate uocatus
Exulat, occisoq; hosie reductus obit.

DISTICHA Imp. Rom. ad Græcos tralato Im/
perio qui Gothorum & Longobardorū
tempore imperarunt.

Fla. Val. Anastasius Dicoros.
Impia Anastasius decernit dogmata, quare.
Perdidit hunc ultrix fulmine dextra Iouis.

Iustinus Thrax.
Accipit Imperium Thrax Armentarius ante
Iustinus, frugi Cæsar obitq; pius.

Iustinianus.
Hesperijs Gotthos, Persas exegit Eois
Ius scripsit, senior Iustinianus obit.

Iustinus minor.
Adserit hic Pelagi sectam Iustinus, auarus
Ut pedibus, captus mente quoq; occubuit.

Tyberius.

Debellas Tyberi Persas, miseraris egēnos:
Augustum & generum dicis, obisq; diem.

Mauritius Cappadox.

Victus avaritia, totum qui uicerat orbem
Mauritius, Phocæ militis ense cadit.

Phocas.

Perdidit Imperium Phocas propè: segnis adulter,
Quem necat ob sordēs Priscus avariciæ.

Heraclius.

At spolia a Persis Heraclius ampla reportat,
Abditus hunc uenis enecat humor aquæ.

Constantinus Heraclij.

Dum parat Imperium nato Martina, repente
Toxica priuigno dira nouerca dedit.

Martina cum filio.

Annis cum nato regnat Martina duobus
Hæc lingua, abscissis naribus ille perit.

Constans.

Ornamenta urbis rapit impius omnia Constans
Trinacriae in thermis quem necuere sui.

Constantinus Pogon.

Perfida Pœnorum fugat agmina Constantinus
Fratribus & nares amputat, ac moritur.

Iustinianus.

Iustinianè Leo te pellit, ope inde reductus
Barbarica, & miscens praelia dura cadis.

Leontius siue Leo.

Occupat Imperium pulso Leo Iustiniano,
Quem tenuit truncis naribus Absymarus.

Absymarus qui & Tyberius.

Absymarumq; redux probris, captumq; Leonem
Affectos meritis, Iustiniane necas.

Philippicus.

Pellit Anastasius te dire Philippicè regno,
Lumine quem merito priuat utroq; pius.

Artemius qui & Anastasius.

Ponit Anastasius ui sceptrā prementē suorum
Priuatufq; sacris deditus occubuit.

Theodosius Atramytenus.

Diuiorum effigies Theodosius ille reponit,
Qui mox e placido Cæsare fit monachus.

Leon Isaurus siue Conon.

Occupat hinc solium prauus Leo, & impius urit.
Effigies, diris exagitatus obit.

Constantinus Copronymus.

Sauit, & impietate patrem Copronymus æquat,
Quem funesto elephas ulcere tollit atrox:

Leo.

Hic sua detracto superis diademate cingit.
Tempora, sacrilegus mox perit inde Leo.

Constantius Leonis filius.

Pellit in exilium genitricem, unde illa reuerfa
Orbatum in uinculis lumine utroq; necat.

Irene.

Nicephorus sceptro Irenen spoliavit, at illa
Dignior Imperij fascibus exul obit.

DISTICHA GRAECORVM IMP.
a diuisione Imperij.

Nicephorus.

Nicephorum quo non fuerat crudelior alter.
Perdidit hostilis nocte silente manus.

Stauratius.

Decidit Imperio Stauratius: omne coactus
Vitæ auum rigidis degere cum monachis.

Michael Curoplates Rangabe.

Spontè sua bonus hic monachorū in septa Michael
Territus aduerso Marte, receptus obit,

Leo Armeniacus.

Huic laudi regem fuit obruncasse Criminum
Sæuus erat, Trauli cæditur arte Leo.

Michaël Traulus Phryx.

Misit hic in Poenos classem, Thomamq; Michaël
Vicit, auarus erat, torminibus perijt.

Theophilus.

Nomine, sed non re simulachra Theophilus urit
Quod male pugnat, sensibus ager obit.

Theodora.

Hec quoq; diuerum effigies Theodora perosa
Pellitur a nato, claustraq; sacra perit.

Michael Theophili.

Pontifici misit Romano dona Michael
Quem socius regni sustulit ante diem.

Basilus Macedo.

Obscurus Macedo, sed non indignus habenis
Imperij, cerui cornibus ictus obit.

Leo Basilij Philosophus.

Doctus erat Sapiens, Sarracenosq; subegit,
Inde alui perijt debilitate Leo.

Alexan

Alexander.

Segnis Alexander, uitaq; inglorius omni
Sanguine per nares profluitante perit.

Constantinus.

Hic belliq; domiq; bonus librum ædedit, unde &
Quadraginta annos imperitans moritur.

Romanus Lecapenus.

Perfidus Imperium Romanus hic arripit, inde
Exulat, & nati crimine pulsus obit.

Romanus Leonis iunior.

Defes, & infamis luxu matrem atq; sororēs
Expulit, hinc merito dira uenena bibit.

Nicephorus Phocas.

Prælia Nicephorus felicia plurima fecit,
Inde dolo infidæ coniugis interiit.

Ioannes Zimisces.

Bulgariam Imperio adiecit, uicitq; rebelles
Zimisces, hunc & toxica sumpta necant.

Basilus.

Hostibus effodiens Basili sua lumina uictis,
Ante obitum fratrem præficis Impeiro.

Constantinus.

Dissimilis fratri nihil hic memorabile gessit.
Et moritur uita deficiente senex.

Romanus Argyropylus.

Principio fortis, dein uixit avarus, inerq;
Quem sua demersit dum lauat, uxor aquis.

Michael Paphlago.

Paphlago cum Zoe tenuit bene sceptrum Michael
Commodus, internæ quem iugulastis aquæ.

Michael Calaphates.

Pellit adoptiuus matrem, patruumq; Michael
Qua reduce; effosso lumine utroq; perit.

Zoe & Theodora.

Gracius Imperium uisum est muliebri uirorum
Hinc placet a gemina sceptrum sorore geri.

Constantinus Monomachus.

Nil magnum aggrediens, uetitaq; libidine foedus
Constantinus item desidiosus obit.

Theodora.

Fœmina quæ placide populos Theodora regebat
Imperitans annis sceptrâ duobus habet.

Michael senior.

Hic nondum expleto senior quoq; pellitur anno, &
Priuata ad uitæ iura redactus obit.

Ifacius Comnenus.

Pace bonus belloq; fuit Comnenus, at ille
Ante obitum forti e Cæsare fit monachus.

Constantinus Ducas.

Tradidit uxori natifq; salubris habenas
Summum ut iam Ducas sensit adesse diem.

Eudotia.

Cogitur Imperij, ac rerum discrimine magno
Romano Eudotie nubere Diogeni.

Romanus Diogenes.

Tureus in hosie fuit captiuo mitior. ac qui
Paruerant, unde hic lumine cassus obit.

Michael Constant. Ducæ F. Parapinaceus:
Dira famies segni populos sub principe uexat;
Hinc bene cum nato, ac coniuge clausus obit.

Nicephorus Botoniates.
Comneni fratres posito diademate cogunt.
Nicephorum monachi uiuere more bonum.

Alexius Comnenus.
Et docet, & pueros connutrit Alexius orbos,
Romanique acer nominis hostis obit.

Ioannes.
Vicit Ioannes Turcos. Persasque sagitta
Venator digitum faucibus interit.

Manuel.
Perdidit hic nostros Manuel, gypsoque farinam
Miscuit, & monachus tam sceleratus obit.

Alexius.

Tutor inhumānus, puerū submouit, Alexi,
Impius, & miseris te necat ille modis.

Andronicus Comnenus
Captus ab Isatio populi lacerare tumultu
Andronice orbis lumine, & ante manu.

Isacius Angelus.
Angelus hospitio Fridericum excēpit eunte in
Ad Syriam, huic frater sceptrā, oculosq; adimit.

Alexius Fratricida.
Non impune fuit tantum tibi crimen Alexi
Quem Constantini pellit ab urbe nepos.

Alexius iunior Isaci filius.
Hunc opē Gallorum Imperio uix mense potitum
Murziphili puerum fraudq; scelusq; necant.

DISTICHA CONSTANTINOPO/
litanorum Caesarum, translato a
Græcis ad Latinos Imp.
d iij

Balduinus Flandrensis,

Belgicus Imperio potitur Balduinus, at anno
Vix uno imperitans oppetit ante diem.

Henricus Balduini frater.

Militiæq; domiq; bonus regit Hellada frater
Ac natam moriens surrogat ante sibi.

Petrus Antifiodorensis.

Tradidit Imperium pietas uxoriam Petro
Lascari perfidia, quem Theodore necas.

Robertus.

Aduolat audita genitoris cæde Robertus
Inq; uia, Roma dum redit, æger obit.

Balduinus.

Byzanti claram Peleologus occupat urbem
Dum sotius generi Brennius acer abest.

DISTICHA CAESARVM GRAECO/
rum Constantinopolitana sede recu/
perata expulsis Latinis.

Michael Paleologus.

Sustulit affines scelere, ac ui sceptrā Michael
Arripit, extinctum plebs sepelire uetat.

Andronicus.

Andronice nepos odio te exercet, & armis
Cui mox, ut socio conciliatus obis.

Andronicus iunior.

Iunior Imperij regnat successor auiti
Commodus, hunc febris feruida præcipitat.

Ioannes Catacuzenus.

Europam Turcæ primum hoc sub principe uisunt:
Vi Catacuzenus regnat, obit monachus.

Ioannes Paleologus.

Illius Imperio natum Paleologus orbat,
Quod moriens nato tradidit ipse suo.

Manuel.

Natorum Manuel septem pater, haud alia re
Clarus obit, natu maximus imperitat.

Ioannes.

Eugenium Etrusca Ioannes urbe salutat.
Pacis amans, Thracen inde reuersus, obit.

Constantinus.

Constantine ruit capta, pró dedecus, urbe
Imperij tecum deficientis honor.

DISTICHA IMP. GALLORVM
à diuisione Imperij.

Carolus magnus.

Magnanimus totum pacauit Carolus orbem,
Grandæuum hunc laterum tollit acuta lues.

Ludouicus pius.

Ludouico nati sunt reddere sceptrā coacti,
Vtq; pater magnus, sic erat iste pius.

Lotharius.

Imperium nato Lotharius arrogat ultro,
Ipse inter monachos religiosus obit.

Ludouic

Ludouicus II.

Ludouicus plusq̃ ciuilia cœp̃erat arma:
Deinde apud Insubres, uixit. obitq; diem.

Carolus Caluus.

Hunc etiam bello Caluum petiere nepotēs,
Qui mēdici infidi fraude uenena bibit.

Ludouicus Balbus.

Balbus item Imperij titulum Lodouicus adeptus,
Occidit ante annos Cæsar & iste duos.

Carolus Crassus.

Abrogat Imperium procerum concordia Crasso,
Qui bene priuatus uixit, & interiit.

Arnulphus.

Nortmannos uicit, sed non animalia tētra
A quibus, ut quondam Sylla, peresus obit.

Ludouicus Arnulphi f.

Arma Berengarij uictricia sensit, & inde
Filius effosso lumine utroq; perit.

Conradus.

Imperat in Gallis opera Conradus Othonis,
Cuius ob hoc natum surrogat Imperio.

Henricus.

Henricus Imperio potitur, uincitq; feroces
Pannonios, compos inde quietis obit.

DISTICHA C. R. translato Imperio
a Gallis & Italis ad Germanos.

Otho I.

Pannonios, Boemosq; domat deletq; tyrannos
Primus Otho, natu grandis, obitq; pius.

Otho II.

Alter Otho in Calabris accepta clade, redemptus
A Siculis, Romanq; inde reductus obit.

Otho III.

Tertius infandos Crescenti uindicat ausus
Hic Romæ, ut perhibent toxica mista bibit.

Henricus I.

Hic felix bello, uita castusq; piusq;
In numero meruit Henricus esse deum.

Conradus I.

Pannonios domuit Conradus, terruit armis
Insubres, leges condidit, inde obijt.

Henricus II.

Pannonios subigit Boemosq; sibi Henricus alter
Pontifices merito corrigit, æger obit,

Henricus III.

Pontifices audax incessere, cætera summus
Tertius, a nato carcere clausus obit.

Henricus III.

Hic quoq; pontifices ruit insectatus ad arma
Quartus, ob hoc orbus dictus obire diem.

Lottarius.

Insignis pietate simul Lottarius armis,
Verona moritur, dum repetit patriam.

Conradus II.

Fraude pius Græci Conradus Cæsaris alter
Iconi amisso milite tristis obit.

Fridericus Barborossa.

Urget Alexandrum Fridericus, & omnia vastat.
Cæsar, in Armeniæ dum lauat amne perit.

Henricus filius.

Hic Rex Sycaniæ defæuit Henricus asper.
Summum & Messana clausit in urbe diem.

Philippus.

Imperium pulso suscepit Othone Philippus,
Deinde Palatini principis ense cadit.

Otho III.

Pontificis sensit diras, & fulmina quartus,
Victus & a Gallo Rege fugatus obit.

Fridericus II.

Hic quoq; Pontifices uexans, at cætera summus
In Siculis uafri concidit arte nothi.

Rodolphus.

Vicit Othocarum regem, oppressitq; Rodolphus;
Qui socer in natum mitior occubuit.

Adulphus.

Victus ab Alberto, mox ambitione petiti
Morte luens regni crimen Adulphe ruis.

Albertus.

Intulit Albertus regi noua bella Philippo,
Impius ante ratem quem necat ense nepos.

Henricus.

Henricus Italiam uisit, spoliatq; Robertum,
Quem pane in sacro toxica sumpta necant.

Ludouicus.

Pontifice Imperij capit aduersante coronam
Ludouicus, cui nec conciliatus obit.

Carolus III.

Quartus amans nimium patriæ, indignoq; coronam
Mercatus nato, cætera rectus obit.

c in

Wencèslaus.

Degener Imperij merito spoliatur honore
Filius, attonitus turpiter occubuit.

Robertus.

Insubris afflictus Galeati Marte Robertus.
Italia excedens pacis amator obit.

Sigismundus.

Pace Sigismundus, q̄ fortunatior armis
Plurima decessit post benefacta senex.

Albertus.

Austriadum decus & spēm læti, pro dolor, orbis
Ante diem Albertum tormina sæua necant.

Fridericus III.

Pacis amans, cultorq; deum Fridericus, at annis
Longior Augusto Cæsare Cæsar obit.

Maximilianus.

Maximilianus obit dexter belliq; togæq;
Munia, quem perimunt tormina sæua pium.

20
Carolus & Ferdinandus,

Carolus Hesperij regnat Fernandus Eois,
Quā bene diuisum est, fratribus Imperium.

DISTICHORVM CAESARVM
FINIS.

REGI OPTIMO MAXIMO FER/
DINANDO. I. Rosinus.

Ad tua deductum, Rex inclyte, tempora carmen
Cernis ab Historico non sine laude tuo.
Non tibi sollicito magnis de rebus, & amplis
Imperij curis cuncta uidere uacat,
Magna per ambages quæ scripta uolumina produnt
Et graiæ & latæ fusiis historiæ.
Ergo peragratîs apîs ut quum dædala flores
Delibat campis dulceq; fingit opus:
Sic bonus e magno uates decerpfit aceruo
Exempla hæc uitæ commodiora tuæ.
Inde leges casus uarios, uitas, obitusq;
Cæsareos geminis condita carminibus.

D. IOANNI FABRO THEOLOGO, AC
Regio Confiliario, uiro humanissimo.
Caspar Vrsinus Velius S. D.

NIL tibi denegare possum, optime Faber, cuius
cū beneficia erga q̄ plurimos, tum uirtutes excellētis.
summa omnia promerentur. Quare cum statuerim tibi
nulla non in re inorem gerere: Soterian pro Illustri ac
magnifico uiro D. GABRIELE Comite in Orin/
burg, quam anno superiori, cum illē a morbo, quo gra
ui ac periculoso afflictus erat, assurrexisset, celeriter
composui: de tua sententia adiunctam huic Disticho/
rum libello emittere non dubitavi. Sed & nihil nō ef/
ficerem in spem gratiæ adipiscendæ tanti uiri illius,
qui ob innumerabiles naturæ dotes, quibus est oppi/
do q̄ instructus uita q̄ longissima dignus censerī de/
bet. eius uiri merita, & eximias uirtutes, quoniam nec
una epistola commemorari, neq; exiguo poëmāte ce/
lebrari possūt, iusto olim libro copiose & affatim per/
sequar: cuius excellentiæ, præstantis. Faber, interim
quicquid hoc est carminis, unaq; Authorem
etiam atq; etiam accurate commēdabis.

Bene uale. Viennæ XX. Octob.

Anno M. D. XXVIII.

ILLVSTRI AC MAGNIFICO DOMINO

Gabrieli Comiti in Ortenburg &c,
Caspar Vrsinus Velius.

Alcidæ ærurnas, casus patientis Vlyssæi:

Fortiaq; Aeneæ scribere facta pñ,

Res operosa quidem, plus & quam simplicis æui.

Cura fuit magnis, & labor ingenij.

At non sudabit minus hic qui scribere sumet.

Seu tua tot belli, seu benefacta togæ.

Condere res gestas Gabriel Regisq; tuasq;

Dicere uix ausim nunc opis esse meæ.

Adnitar tamen, ac tantum exudabo laborem:

Intexam & chartis tot benefacta meis.

Nec patiar tantos obliuia carpere honores,

Aut morti titulos succubuisse tuos.

Tu modo scriptores quæ possunt ocia præsta

Altera qui nostræ pars eris historiæ.

SOTERIA PRO ILLVSTRI AC MAGNI-
fico Do. GABRIELE Comite in Or-
tenburg, uiro lectissimo.

Dij quibus humane arbitrium uitæq; necisq;
Rite datum, casus hominum quos semper acerbos
In melius retulisse iuuat: quibus una potestas
Lanificas prohibere manus, & nigra sororum
Stamina tardare: & queis parent sæpe refixæ
Diræ orci leges, atq; implacabile fatum
Audiuere preces castas, uotisq; bonorum.
Non surdæ patuere aures, ualet ecce uigetq;
Integer, ætherea & uegetus nunc uestitur aura
Magnanimus Gabriel longo dignissimus æuo,
Et Pyllos superare annos, & sæcula cerui.
Vt quem mente cata nondum grandæuius, & illum
Annorum excellat numero, q̄ pene seuerum
Aeacon, & furui uidisset limina regis.
Ante diem, q̄ penè uirum merisset acerbo
Funere mors uiolenta, atris mors horrida pennis:
Dum miserum affixit lecto deterrimus ardor,
Et quatefacta mali soluerunt membra dolores.
Vdus amicorum lachrymis thoros, humida circum
Strata tepescebant, non uotis nemo pacisci
Et prece sollicitare deos: non irrita uota
Nec uanæ mouere preces pia numina diuum.
Namq; recuratum q̄ mox præsentibus illum
Vidimus auxilijs superum, studioq; medentum

Assiduo, & Clarè diuina numinis arte,
 Soluite dñs nunc uota pñ, & cumulate sacratas
 Promissis dudum donis, & honoribus aras.
 Et uos o quicunq; boni sacriq; poëtæ
 Carmina uotiuæ suspendite uestra tabellæ:
 Hic etenim uestri cultor gregis expet t unus
 Ocia Pyeris altissima reddere musis.
 Hic pacis belliq; probe consultus, & auspex
 Publica sustinuit persæpe negotia solus.
 Et regis non pauca suo discrimine obiuit:
 Magnanimi custos iuuenis, sociusq; laborum.
 Et nunc digna cani longe, & maiora peractis
 Hic geret, hos etenim seruatum nuper ad usus
 Credimus, & dias redisse in luminis auras.
 Iam prope quum exanimem, & pallētes spūs artus
 Deficeret, redñt subito uis integra membris,
 Viuidus atq; artus uigor est diffusus in omnes.
 Ceu quōdam Thesidæ animam reuocauit ab umbris
 Phœbigena, ille iterum superas euasit ad auras.
 Quiq; erat Hyppolitus cœpit tum Virbius esse,
 Virbius intactæ tum maxima cura Dianæ.
 Dñs igitur grates merito persoluimus omnes,
 Omnes & longum Gabrieli exposcimus æuum.
 Viuat & incolumem se in publica commoda seruet,
 Regis & ipse suis leuet usq; negotia curis.

Viennæ Austriæ per Hieronymū Victorē Impressū.

BIBLIOTHECA

UNIV. JAGELL.

CRACOVIENSIS

Bibl. Jag.

451



F

Miscellanea